



Informator: viza po osnovu spajanje bračnih partnera/sklapanje braka

Prilikom apliciranja za vizu u svakom slučaju su neophodna sljedeća dokumenta:

- Molimo da pripremite taksu za aplikaciju u visini od **75 eura** u gotovini prilikom aplikacije. Ukoliko su bračni partner ili partnerka njemački državljani ili državljani država Evropske Unije obrada zahtjeva je besplatna.
- Dva u potpunosti ispunjena [aplikaciona zahtjeva](#) na njemačkom jeziku
- Jedan potpisan formular [saglasnost](#) u kojem se unose podaci o dostupnosti i o zastupanju od strane trećih lica u proceduri traženja vize, mora biti priložen prilikom svakog zahtjeva za dobijanje nacionalne vize
- Dvije [biometrijske fotografije](#) novijeg datuma, veličine za pasoš
- Važeći **pasoš** (koji važi još najmanje šest mjeseci od početka predviđenog boravka u Njemačkoj) i dvije fotokopije pasoša
- Validno zdravstveno osiguranje (ne putničko osiguranje) sa 2 kopije, minimum za prve dvije nedjelje planiranog boravka u Njemačkoj (ukoliko će nakon toga u Njemačkoj biti zaključeno osiguranje ili već postoji) . **Pomenuto osiguranje takođe može biti priloženo i prilikom izdavanja vize.**
- Dvije fotokopije pasoša bračnog druga/životnog partnera koji živi u Njemačkoj
- Po potrebi aktuelna prijava boravka bračnog druga/životnog partnera koji živi u Njemačkoj i dvije fotokopije
- Aktuelni međunarodni izvod iz matične knjige vjenčanih sa apostilom** ili nacionalni izvod iz matične knjige vjenčanih, ovjeren apostil pečatom i ovjerenim prevodom na njemački jezik / njemački izvod iz matične knjige vjenčanih ili potvrda o partnerskoj zajednici. Sva navedena dokumenta moraju biti original i **2 fotokopije**.

U slučaju da je zakazano sklapanje braka u Njemačkoj, umjesto gore navedenog:

- Internacionalni izvod oba buduća supružnika sa **2 Kopije**
- Internacionalna potvrda o slobodnom bračnom stanju (Formular A) za oba partnera ili potvrda o prijavi sklapanja braka kod matičara u Njemačkoj sa **dvije kopije istog**

U slučaju da su buduću supružnici imali ranije brakove:

- Potvrde/presude, zakonska uvjerenja o prethodnim brakovima, izvod iz matične knjige umrlih ranijih supružnika (sa dvije kopije)
- Po potrebi [Dokaz o osnovom poznavanju njemačkog jezika](#) - A1 i dvije fotokopije diplome. (Molimo da obratite pažnju na informator „poznavanje njemačkog jezika“)

Važne napomene

Kako biste aplicirali za vizu potrebno je zakazati termin, koji možete isključivo zakazati putem sljedećeg linka: [zakazivanje termina](#)

Sva dokumenta na srpskom ili crnogorskom jeziku treba podnijeti sa prevodom na njemački jezik, ovjerenim od strane sudskog tumača.

Obrada zahtjeva za izdavanje vize može da traje 3 mjeseca.
Ukoliko ste u prošlosti u Njemačkoj boravili više od 90 dana, vrijeme čekanja može da traje više.
Molimo Vas da se ne raspitujete o svom predmetu.

Podnošenje svih gore navedenih dokumenata ne podrazumijeva i pravo na izdavanje vize. Sve fotokopije dokumenata mora da donese podnosilac zahtjeva. Fotokopiranje u odjeljenju za vize nije moguće.

Odjeljenje za vize izričito zadržava pravo da u pojedinim slučajevima zatraži naknadnu dostavu dodatnih dokumenata.

Kada dobijete naše obavještenje da Vam je zahtjev pozitivno riješen, možete podići vizirani pasoš u uobičajeno radno vrijeme šaltera za izdavanje vize.

Davanje neistinitih i/ili nepotpunih podataka i/ili podnošenje falsifikovanih ili manipulisanih dokumenata dovodi, po pravilu, do odbijanja zahtjeva za izdavanje vize.